



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LOKUTHOMA LOKUNGEZELELA (FAL)

IPHEPHA LOKUTHOMA (P1)

NOVEMBA 2013

IMITLOMELO: 80

ISIKHATHI: ama-iri ama-2

Iphepheli linamakhasi ali-12.

YELELA

1. Iphepheli LINEENGABA EZINTATHU: ISIGABA A, B, kanye NESIGABA-C.

ISIGABA A:	Ukufunda nokuzwisisa	(30)
ISIGABA B:	Ukurhunyeza	(10)
ISIGABA C:	Ihlelo nokusetjenziswa kwelimi	(40)

2. Phendula YOKE imibuzo.
3. Funda YOKE imiyalo onikelwe yona ngokuyelela okukhulu.
4. Thoma isigaba ESINYE NESINYE ekhasini ELITJHA.
5. Thalela ngemva kokuphendula imibuzo yesigaba ngasinye.
6. Tlola iinomboro zemibuzo njengombana zinjalo ephepheni lemibuzo.
7. Tjhiya umuda owodwa ngemva kwaleyo naleyo pendulo.
8. Tlola kuhle ngesandla esibonakalako.
9. Peleda amagama ngendlela efaneleko bewutlole nemitjho ezwakalako.
10. Isikhathi esiphakanyisiweko sokuphendula isigaba ngasinye:
- | | |
|------------|----------------------|
| ISIGABA A: | Pheze imizuzu ema-40 |
| ISIGABA B: | Pheze imizuzu ema-35 |
| ISIGABA C: | Pheze imizuzu ema-45 |

ISIGABA A: UKUFUNDA NOKUZWISISA**UMBUZO 1**

Phendula UMBUZO 1.1 kanye NOMBULO 1.2.

1.1 Funda itheksti engenzasi bese uphendula imibuzo elandelako.

IKUSASA LAKHO LISEZANDLENI ZAKHO

Ipilo ingenye yezinto ekufanele itjhejwe khulu kwamambala. Kuba nezinto ezinengi ekufanele uzenze begodu uzifunde ngasikhathi sinye. Kunodade okuthiwa nguBafunani osele aneminyaka ema-30 atjhayela, ofanisa ipilo nokutjhayela ikoloyi. UBafunani uthi "ikoloyi iyakusa lapha wena ufuna ikuse khona kodwana ufanele uyelele ngasosoke isikhathi". Wayevamise ukubona lokha ababelethi bakhe nabamphekelela esikolweni, nabaya esontweni nalokha nabathatha amakhombo aya kude, wabecabanga bona kulula ukutjhayela.

Ngelinye ilanga kwafuneka bona azibambeke yena ngokwakhe isidrayiveli. Kula abona khona bona akusilula. Injalo ipilo. Ifuna umuntu azitjhejele yona ngasosoke isikhathi, azazi bona uyaphi begodu ufunani epilweni. Kufanele umuntu abe nombono nebhudango ngepilwakhe. Ipilo ineentjhihilo ezinengi. Isib:Kuyenzeka umuntu athi asafunda ahlolongakalelwe babelethi nanyana umuntu omondako. Lokho akutjho ukuphela kwepilo, kufanele umuntu aqine azitjele bona akasiyo intandani ngombana banengi abantu abangakusiza ufinyelele ebhudangweni lakho.

Epilweni kufanele ulise ukuqala iimphoso, ubuhlungu nokudana okwenzeke esikhathini esadlulako. Akukafaneli bona uhlale eemphosweni zakho ngombana angeze waba namandla ezintweni esele zenzekile. Abantu abanengi bathanda ukudzimelela ezintweni ezenzeka emuva epilwenabo. Iimphoso azikusize kuphela ekwenzeni ngcono ikusasa lakho.

Kufanele sifunde, senze irhubhululo ngezinto eziphathelele nekusasa lethu ukuze sifumane ilwazi. Kunekulumo ethi ilwazi elincani liyingozi. Kufanele sivule iminyango ehlukenekene yepilo nasizakufumana ilwazi. Eminye iminyango ifuna sitjhidele eduze nayizakuvuleka, eminye ifuna sikokode, eminye ayivuleki lula ifuna ukukghuronyejwa. Ipumelelo ifuna abantu abasebenza ngamandla. Ilwazi nokuhlakanipha kuzokwenza bona ipilo ibe ngcono iminyaka nayiloku ithuthuka.

Amalanga la kunegandelelo elinengi epilweni. Eliphuma phambili ligandelelo labangani. Linomthelela omumbi khulu nawufuna ukwakha ikusasa lakho. Ufanele ukhethe abangani abanemibono ngepilo, abaqale khulu khulu izinto zakusasa kunezanamhlanje. Izinto eziphathelele nokuzithabisa nabangani zingalitjhabalalisa ikusasa lakho. Kunabangani abafuna ukukubona ungakaphumeleli epilweni.

Iiyeleliso zilisizo khulu ekwakheni ikusasa. Ufanele ube mumuntu owamukela iiyeleliso. Abadala bathi indlela ibuzwa kwabaphambili. Abantu abaphumelele phambi kwakho bakupha amandla wokuragela phambili nepilo. Abantu abanengi abaphumelelako bathi nabathola iiyeleliso bazamukele, bazihlole bese bakhethe lezo ezizobaphumelelisa epilweni.

Umuntu kufanele azazi bona ungubani, unamaphi amakghono begodu ubhalelwa kuphi epilweni. Lokha nawukhetha ibizelo ozolilandela kufanele uyelele amakghonwakho nokuthi ayazanelisa iimfuneko zebizelwelo na. Ufanele wazi bona lidinga ziphi iimfundo. Kumele wazi nokuthi ibizelwelo lizokwenza usebenze ebujameni obunjani. Lokho kuzokusiza bona nawuhlangana neentjhijilo kilelobizelo ungabi nobudisi ngombana bewuvele ubulungiselele lobubujamo.

Dzimelela kilokho ofuna ukukwenza ngepilwakho ungathathwa mumoya. Kesinye isikhathi abantu bangakutjhugululisa ibhudango lakho. UHocus Pocus omtloli wemidlalo yetjhatjhalazi wathi "akhe siqale uBill Gates wanqopha entweni eyodwa okumitjhiningqondo, namhlanje ungosommali odumileko". Kukangaki kuthiwa into ethize ibudisi nofana kuthiwe yababhalela abanye kodwana kube kukhona abambadlwana abayikghonako. Nqopha entweni oyifunako noyithandako kunokobana ukhethelwe babantu njengoBill Gates.

Epilweni kunalapho uthoma khona begodu nala ufuna ukufika khona. Nawusebudisini ubona ngathi iphasi liyaphela, qala ituthukwakho esele yenzekile kezinye izinto. Thokozela nokuncani osele ukuzuzile. Lokho kuzokwenza bona ube netjisakalo yokwenza okukhulu. Nawuqala ituthukwakho esele yenzekile uzokuthokoza nanyana ungakafiki lapho ufisa ukuba khona. Kuba lula ukubona bona sewutjhidele kangangani kilokho okufisako.

Kumele ungapheli amandla. Ungavumi ukuqedwa amandla. Kanengi siphelelwa mamandla sele siseduze khulu nepumelelo. Kuthiwa kuba nzima khulu nasele kuzokukhanya.


Nqopha ekurageleni phambili ngombana ngikho omele ukwenze, dzimelela kikho ngombana ngiyo into oyitlhogako. Yiba nelawulo lepilwakho ukuze ikusasa lakho likhanye.

[Ithethwe ku-Inthanethi yatjhugululelwa esiNdebeleni]

- 1.1.1 Ngubani ibizo likadade okukhulunywa ngaye endatjaneni? (1)
- 1.1.2 Sekanesikhathi esingangani atjhayela udade lo okukhulunywa ngaye? (1)
- 1.1.3 Tlola iindawo ezimbili ebezikhanjwa ngilodade nababelethi bakhe. (2)
- 1.1.4 Ukuya ngetheksti engehla kubayini ipilo imadaniswa nokutjhayela ikoloyi? (2)

- 1.1.5 Ngokwetheksti engehla ngiziphi izinto ekufanele sizilise ezenzeke epilweni esikhathini esadlulako? Tlola zibe ZIMBILI. (2)
- 1.1.6 Kungaba yini ubungozi bokungafuni ukuthatha iyeleliso? (2)
- 1.1.7 Ngiziphi izinto ezingenzeka nawudzimelele eemphosweni zakho zesikhathi esadlulako? Tlola amaphuzu AMABILI. (2)
- 1.1.8 Kukusiza ngani ukuhlangabezana neentjhijilo epilweni? Tlola iphuzu ELILODWA. (2)
- 1.1.9 Uyini umphumela wokwenza into oyifunako noyithandako ngekusasa lakho? Tlola iphuzu ELILODWA. (2)
- 1.1.10 Ingabe ukuthatha iyeleliso zabantu abadala kuyaphumelelisa na? Sekela ipendulwakho ngephuzu ELILODWA. (2)
- 1.1.11 Umuntu osesemutjha kumele avunyelwe ukwenza iimphoso khona azakufunda ngazo. IYE nofana AWA. Sekela ipendulwakho ngephuzu ELILODWA. (2)

1.2 Qalisisa isithombe esingenzasi bese uphendula imibuzo elandelako.



- 1.2.1 Tlola ubulili babantu abavezwe esithombeni. (1)
- 1.2.2 Tlola KUBILI okufanako okwenziwa ziinsetjenziswa zetheknoloji ezivezwe esithombeni esingehla. (2)

- 1.2.3 Khetha ipendulo eyodwa kezilandelako:
- Ngiyiphi indawo lapho ongekhe wenza khona ngepumelelo lokhu okwenziwa ngilaba abasesithombeni.
- A Etlasini.
B E-ofisini.
C Ephathini. (1)
- 1.2.4 Kubayini inengi labantu abasebenzisa khulu iinsetjenziswa lezi ezisesithombeni bagcina sele bafaka amarhalasi wamehlo. (2)
- 1.2.5 Ucabanga bona benzani laba abavezwe esithombeni? Tlola iphuzu ELILODWA. (1)
- 1.2.6 Ngikuphi okutjengisa bona abantu abasesithombeni abasibabantu abatlhogako? Tlola iphuzu ELILODWA. (1)
- 1.2.7 Kuyasiza ukuba nomhlangano onjengowabantu abavezwe esithombenesi. IYE nofana AWA. Sekela ipendulwakho ngephuzu ELILODWA. (2)

IMITLOMELO YESIGABA A: 30

ISIGABA B: UKURHUNYEZA**UMBUZO 2**

Fundisisa itheksti engenzasi bese uyayirhunyeza ngamaphuzu amayelana nemiphumela emihle yokuzithabulula.

IMIYALO:

1. Ngamagama angadluli kwama-60, rhunyeza uveze amaphuzu ali-7.
2. Nombora imitjhwakho kusukela kowoku-1 bekufike kewe-7.
3. Umutjho ngamunye owutlolako awube nomqondo owodwa.
4. Tlola ngelimi elitsengileko ngombana uzokwabelwa imitlomelo emi-3.
5. Sebenzisa amagamakho ngendlela ongakghona ngayo ungabuyeleli utlole okusesirhunyezweni.
6. Tlola inani lamagama owasebenzisileko ekupheleni kwesirhunyezo.

THABULULA UMZIMBA UPHILE

Ipilo yanamhlanje ikhuthaza ukuhlala. Imisebenzi eminengi umuntu uyenza ahlezi. Angisakhulumi-ke ngabantu abatjha. Bahlala emasofeni imini loke, badlala imidlalo kibomaliledinini nofana babukele umabonakude. Amalanga la abodorhodere bakhuthaza bona abantu bazithabulule. Ungazithabulula ngokugijima, ngokureya ibhayisigila, ukudlala umdlalo othize njengebholo erarhwako. Ukuzithabulula kuletha ipilo ehliziywenakho ngombana kwenza ihliziyo ipompe msinya. UDorhodere William Kraus weDuke University Medical Centre uthi "Ngitjho nokuncani ukuzithabulula kuyayisiza ihliziyo yomuntu". Imisebenzi eminengi ifuna uyicabange ngaphambi kobana uyenze.

Ukuzithabulula kwenza ubuqopho bakho busebenze kuhle. Ukuya ngabarhubhululi beYunivesithi ye-Illinois umzimba nawuwusebenzisa ngamandla, iingazi zigijima khulu emithanjeni yobuqopho. Izinga lakho lokucabanga liyakhuphuka begodu izinto awuzikhohlwa lula. Minengi imisebenzi esiyenzako edinga amandla. Nawuzithabululako nanyana wenza umsebenzi obudisi kangangani awudinwa msinya. Namalwele imbala afana nemikhuhlani awakuphathi nangabe uhlala uthabulula umzimba. Siphila ephasini elinemiraro, lokhu kusibangela ukugandeleleka komkhumbulo. Nawumumuntu othabulula umzimba awubi nakho ukugandeleleka komkhumbulo.

Kunesililo esivela kubarhubhululi esithi inarha le inabantu abanengi abanonileko. Batjho umzimba ononileko ungenwa malwele lula. Ukuzithabulula kusiza ekwehliseni umzimba. Sezadlula iinkhathi zabobamkhulu lapha nawunomzimba omkhulu bekutjho bona uphatheke kuhle epilweni. Kusiza khulu ukuzithabulula ngombana awuluphali msinya. Uthi umdala ube nobuso bomuntu osesemutjha.

Nawuzithabululako isikhumba siyajuluka kuvuleke iimbotjana zaso. Isikhumba sobuso sihlala sisihle ngombana iimbotjana zaso azibi namafutha, ziphefumula kuhle. Kuyavela bona ukuluphala epilweni akubangelwa budala kodwana mzimba ongenzi litho. Nawuzithabululako ukudla kukhamba msinya ngemathunjini.

Lokhu kwenza bona izinto ezingafunwa mzimba neziwulimazako ziphume msinya emzimbeni. Umuntu kufanele adle nokudla okwakhako nokuphatha kuhle umzimba.

[Ithethwe ku-Inthanethi yatjhugululelwa esiNdebeleni]

IMITLOMELO YESIGABA B: 10

ISIGABA C: IHLELO NOKUSETJENZISWA KWELIMI**UMBUZO 3**

Qalisisa isikhangiso esingenzasi bese uphendula imibuzo elandelako.




- 3.1 Tlola amagama asetjenziselwe ukudosa abathengi asesikhangisweni. (1)
- 3.2 Tlola umbandela OWODWA otholakala esikhangisweni. (1)
- 3.3 Qedelela umutjho olandelako ngokuthi ukhethe ipendulo engiyo kilezi ezingeembayaneni.
Isikhangiso lesi sinelimi (lokubawa, lokunikela ilwazi, lokudlelezela). (1)
- 3.4 Okhangisako unqophe ukuthini ngokusebenzisa amagama athi "isusa **100%** umulwana". (1)
- 3.5 Ngokuqalisisa ubuso babantu abasesikhangisweni, ingabe busihlathululelani ngalokhu okukhangiswako? Tlola iphuzu ELILODWA. (2)
- 3.6 Sebenzisa isaga esitholakala esikhangisweni uzakhele wakho umutjho kuvele bona uyayazi ihlathululo yaso. (2)
- 3.7 Yitjho bona umutjho olandelako MBONO namkha LIQINISO bese usekela ipendulwakho ngephuzu ELILODWA.
Ngiyo kwaphela ethembekileko. (2)

[10]

UMBUZO 4

Qalisisa ikhathuni engenzasi bese uphendula imibuzo elandelako.



- 4.1 Usebenzela yiphi ikhamphani lomuntu ovezwe ekhathunini? (1)
- 4.2 Hlathulula bona kwenzekani ekhathunini. (2)
- 4.3 Funda umbuzo olandelako bese ukhetha ipendulo eyodwa enembako:
Umsebenzi owenziwa ngilomuntu osekhatunini uvamise ukwenzeka kiyiphi indawo?
- A Emaplasini nedorobheni.
B Ezabelweni nemaplasini.
C Eedorobheni nelokitjhini.
D Elokithini nemaplasini. (1)
- 4.4 Ngikuphi okufanele kwenziwe babantu abasadinga isizo lomuntu osekhatunini ukukhandela ubujamobu? (2)
- 4.5 Sebenzisa isitjho esivezwe ekhathunini uzakhele wakho umutjho kuvele bona uyayazi ihlathululo yaso. (2)
- 4.6 Ngikuphi okungaba ngunobangela walokhu okwenzeka ekhathunini Tlola iphuzu ELILODWA. (2)

[10]

UMBUZO 5**5.1 Funda itheksti engenzasi uyizwisise bese uphendula imibuzo elandelako.**

Ibhola erarhwako ithandwa khulu eSewula Afrika, khulu khulu abantu bembaji. Sithokoza ibhegere yephasi eyayibanjelwe lapha eSewula Afrika ngomnyaka we-2010. Sesineendawo zokudlala ibhola ezihlukahlukene. Umphako uzabe ungadliwa mntwana ngoMgqibelo endaweni yangeJohannesburg. Abantu bazabe bangangotjani. Kunguwafawafa phakathi kwesiqhema seKaizer Chiefs nese-Orlando Pirates. Iinqhemezi ngezinye zeenqhema ezinabalandeli abanengi khulu begodu ziyintandokazi lapha eSewula Afrika. Abalandeli bebhola batjhunga ngeendaweni ezithengisa amathikithi wokungena etatawini lomdlalo ngombana akekho ofuna ukuthayelelwa lithikithi. UMsongelwa banomnganakhe uMdlasakhe nabo ngabanye abafuna ukuzibonela ngamehlo nazibambene phezulu iinqhemezi. UMsongelwa uyazilungiselela uhlanza ikoloyi yakhe ebovu ukuze aye khona lapho. Umkakhe uNaKabini ubalalele nabakhuluma ngebhola, abe akayithandi yena. Unantuli udadwabo likaMsongelwa naye ukhona.

5.1.1 Tlola umutjho olandelako uveze ukulandula.

Abalandeli bebhola batjhunga ngeendaweni zokuthengisa amathikithi. (2)

5.1.2 Funda umutjho olandelako bese uphendula umbuzo.

UNaKabini ngeendlebe**kazi** ubalalele nabakhulumako.

Isakhi esitlolwe ngokunzima khulu siveza muphi umqondo. (2)

5.1.3 Buyelela utlole umutjho olandelako kuthi esikhundleni sebinzana elithalelweko utlole igama linye.

Sesineendawo zokudlala ibhola ezihlukahlukene eSewula Afrika. (2)

5.1.4 Funda umutjho olandelako bese uphendula umbuzo.

Abantu bazabe bangangotjani.

Sebenzisa igama elitjho okufanako naleli elithalelweko emutjhweni ozakhele wona. (2)

5.1.5 Tlola umutjho ozitlamele wona ngesaga esithalelweko esisemtjhweni olandelako ukhombise bona uyayazi ihlathululo yaso.

Umphako uzabe ungadliwa mntwana etatawini lebhola eJohannesburg. (2)

5.1.6 Buyelela utlole umutjho olandelako bese ulungise iimphoso ngokuqalisa ethekstini engehla.


NgoMgqibelo woke umuntu uzabe alindele umdlalo omkhulu, ngaphandle kukanantuli. (2)

5.1.7 Funda umutjho olandelako bese uphendula umbuzo.

Umdlalo webholo erarhwako uthandwa babantu bembaji.

Hlathulula bona umutjho ongehla uMBONO namkha uLIQINISO.
Sekela ipendulwakho ngephuzu ELILODWA. (2)

5.2 Qalisisa isithombe esingenzasi bese uphendula imibuzo elandelako.



5.2.1 Buyelela utlole umutjho olandelako bese utlola igama eliphikisana nalelo elithalelweko.

Abantwana bayakuthanda ukugijima. (1)

5.2.2 Buyelela utlole umutjho olandelako bese utlola isinciphiso segama elithalelweko.

Umsana lo osesithombeni uyawuthanda umdlalo wokugijima. (1)

5.2.3 Khetha umutjho owodwa osingathekiso kile elandelako:

- A Amadoda amathathu made njengeendlulamithi.
- B Amadoda amathathu aziindlulamithi.
- C Amadoda amathathu made adlula iindlulamithi.
- D Amadoda amathathu mafitjhani. (2)

5.2.4 Funda umutjho olandelako bese uphendula umbuzo.

Amanyathelo wokugijima ambethwe babantu abasesithombeni ambathwa babantu abanzima kwaphela.

Ingabe umutjho ongehla unebandlululo na? Sekela ipendulwakho ngephuzu ELILODWA. (2)

[20]

IMITLOMELO YESIGABA C: 40
INANI LOKE: 80